



## Germaniyada nikohdan o'tish maqsadida viza olish uchun kerakli hujjatlar haqida eslatma

### Umumiy ma'lumotlar:

Har bir arizachi hujjatlarni **shaxsan o'zi** topshirishi shart. **Viza olish uchun qabulga yozilish faqat internet orqali amalga oshiriladi. Batafsil ma'lumotlar „[Qabulga yozilish tizimi haqidagi eslatma](#)“da keltirilgan.**

**O'zbekistonda berilgan hujjatlarni** tasdiqlash sharti bekor qilingan. O'zbekistonlik qalliqning nikohdan o'tish huquqiga egaligi haqidagi hujjatni topshirish majburiyatidan ozod etish va nikohni rasmiylashtirish jarayoni doirasida kerak bo'ladigan va O'zbekiston Respublikasida berilgan ma'lumotnomalar uchun Germaniya FHDYOsiga xizmat yordami sifatida hujjatlarni qayta tekshirish jarayoni amalga oshiriladi. Batafsil ma'lumotlar elchixonaning internetdagi [www.taschkent.diplo.de](http://www.taschkent.diplo.de) web-sahifasida joylashtirilgan „[O'zbekiston Respublikasida berilgan hujjatlarni qayta tekshirish haqidagi eslatma](#)“ da keltirilgan.

Viza so'rovnomasi **Germaniyadagi xorijliklar masalalari bo'yicha mutassadi idoraga (Ausländerbehörde)** qaror qabul qilish uchun yuboriladi. Shu shababli, Siz o'z so'rovnomangizda qalliqning **to'liq manzilini** (ko'cha, pochta indeksi va yashash joyining nomi) ko'rsatishingiz lozim.

Germaniya hududiga kirib kelishingiz bilan bu haqida yashash joyingizdagi xorijliklar masalalari bo'yicha mutassadi idoraga (**Ausländerbehörde**) bevosita xabar berishingiz kerak. Ushbu idora Germaniya hududida qolishingiz uchun yakuniy ruxsatni beradi.

So'rovnomalarni ko'rib chiqish **eng kamida 6-8 haftalik muddatni** tashkil etishiga e'tibor qaratishingizni so'raymiz. Elchixona ushbu muddat mobaynida hujjatlaringizni ko'rib chiqish haqidagi savollar bilan murojaat qilmasligingizni so'raydi. Hujjatlarni ko'rib chiqish jarayoni haqidagi ma'lumot telefon orqali ham berilmaydi.

Agar so'rovnomangiz borasida qaror qabul qilingan bo'lsa, elchixona Siz bilan bog'lanadi.

Viza bermaslik haqida qabul qilingan qaror pochta yoki elektron pochta orqali faqat yozma ravishda yuboriladi yoki arizachi ushbu qarorni elchixonaning viza bo'limidan shaxsan o'zi olib ketishi mumkin. Sizga viza rasmiylashtirish uchun ruxsat berilsa, zarur bo'lgan holatlarda Sizga xorijda doimiy yashash uchun chiqish vizasini olishda kerak bo'ladigan va O'zbekiston Respublikasi mutasaddi idoralariga (XChK - OVIR) taqdim etiladigan ma'lumotnoma berilishi mumkin.

**Qabulga yozilish haqidagi qo'shimcha ma'lumotlar va viza bo'limining qabul vaqtlari „[Viza olish uchun kerakli hujjatlarni topshirish haqida eslatma](#)“da va „[Qabulga yozilish tizimi haqida eslatma](#)“da keltirilgan.**

Germaniyada **nikohdan o'tish maqsadida** olinadigan vizaga so'rovnoma berish uchun quyidagi hujjatlar talab etiladi:

Barcha hujjatlar/ma'lumotnomalar/tarjimalar **asl nusxada va har bir hujjatdan ikkita nusxa bilan** topshirilishi lozim ekanligiga e'tibor berishingizni so'raymiz (asl nusxalar hujjatlar tekshirilganidan keyin Sizga qaytariladi). Xorijiy tildagi hujjatlar vakolatga ega tarjimon tomonidan nemis tiliga o'g'irilgan bo'lishi lozim.

1. **Nemis tilida batafsil to'ldirilgan, shaxsiy imzoingiz qo'yilgan 2 dona viza so'rovnomasi blanki.** Blanklarni elchixonaning internetdagi [www.taschkent.diplo.de](http://www.taschkent.diplo.de) web-sahifasidan olish mumkin.
2. **pasport**, uning 2-3 (shaxsiy ma'lumotlar) hamda O'zbekistonda ro'yxatga qo'yilganlik to'g'risidagi ma'lumotlar haqidagi sahifalaridan nusxasi bilan;
3. Germaniyada yashovchi qalq pasportining barcha sahifalaridan ksero-nusxalar;
4. Germaniya Federativ Respublikasida bo'lish haqidagi qonunning 54 moddasi 6 bandi va 55 moddasi 2 bandi 1 kichik bandiga asosan **imzolangan ariza**;
5. Qoidaga binoan: **Germaniya hududida bo'lish haqidagi qonunning 66-68 moddalariga ko'ra**, Germaniyada yashovchi qalqning nikoh tuzilishiga qadar bo'lgan xarajatlarni o'z zimmasiga olish bo'yicha **majburiyat xati** va qalq pasportining ksero-nusxasi. Agar qalq Germaniya fuqarosi bo'lmasa, uning Germaniya hududida bo'lishiga ruxsat berilgan pasport sahifasining nusxasini ham taqdim etish lozim. Ushbu kafolat xati xorijliklar masalalari bo'yicha mutassadi idorada (**Ausländerbehörde**) rasmiylashtiriladi. *Xorijliklar masalalari bo'yicha mas'ul idoralarning ba'zilar ushbu kafolat xatini so'rovnoma taqdim etishning keyingi bosqichlarida talab qilishadi. Agar Sizda bu borada savol paydo bo'lsa, ma'lumot uchun xorijliklar masalalari bo'yicha mas'ul idoraga murojaat qiling.*
6. **Nikoh tuzilishi bo'yicha qo'yilgan barcha talablar bajarilganligi haqida Germaniyadagi nikohni qayd etish idorasi tomonidan berilgan ma'lumotnoma.** Nikoh **bevosita** ushbu tasdiqnoma **berilganidan keyin** tuzilishi kerak. Nikoh tuzish haqidagi ariza u topshirilgan kundan olti oy o'tgach, o'z kuchini yo'qotadi. Ushbu muddat davomida nikoh tuzishning iloji bo'lmasa, Germaniya fuqarosi bo'lmagan qalq o'z vataniga qaytib ketishga majbur bo'ladi.

**Germaniya FHDYO'sida nikohdan o'tish maqsadida ariza berish uchun quyidagi hujjatlar talab etiladi:**

- Tug'ilganlik haqidagi guvohnomangiz;
- Turmush qurmaganligingizni tasdiqlovchi ma'lumotnoma;
- zarur hollarda: ajrashganlik yoki avvalgi turmush o'rtog'ining vafot etganligi to'g'risida hujjat;
- zarur hollarda: umumiy farzandlarning tug'ilganlik haqidagi guvohnomalari;

**Taqdim etish zarur bo'lgan hujjatlar haqida ma'lumot olish uchun mahalliy FHDYO bo'limiga to'g'ridan-to'g'ri murojaat etishni maslahat beramiz.**

**Avvalgi nikohdan bo'lgan va voyaga yetmagan farzandlar birgalikda safarga chiqayotganda viza so'rovnomasini topshirish** uchun „[Turmush o'rtog'i va farzandlari bilan birlashish maqsadida viza olish uchun kerakli hujjatlar haqida](#)“gi, va ayniqsa, yakka vasiylikni va og'ir vaziyat uchun yechim topish doirasida Germaniyaga safarga chiqishni asoslovchi hujjatlar haqidagi tegishli eslatmalar bilan tanishib chiqishingizni so'raymiz.

Germaniyadagi FHDYO bo'limi tegishli hujjatlarni (yuqoridagi „Umumiy ma'lumotlar“da keltirilgan izohga qarang) qayta tekshirib chiqqanidan keyingina nikoh qurish shartlari bajarilganligini tasdiqlashi mumkinligiga e'tibor qaratishingizni so'raymiz.

7. **Nemis tilidan bilimga** (A1 darajasida) ega ekanlikni tasdiqlovchi hujjatlar; „[Oila birlashishi uchun nemis tili bo'yicha bilimni tasdiqlash haqida](#)“ gi alohida eslatmaga e'tibor qarating.

Nikohdan o'tish maqsadidagi viza uchun konsullik badali 60 yevroni (01.09.2017dan 75 yevroni) va har bir bola uchun 30 yevroni tashkil etadi. Viza badali viza so'rovnomasi topshirilayotgan vaqtda **AQSh dollarida naqd pulda** to'lanadi.